

PETRUS CESATUS.

Magnopere dolemus, post ingentes conatus per quam pauca potuisse colligi de viri virtutibus, cuius nomen sine dubio referri debet inter prima, et clarissima Mexicanæ Societatis. Nobis quidem non constigit, hujus consuetudine fungi, vitamque ipsius inculpatam cominus perscrutari, nisi ad Castrum Divi Petri, cum octogenario major postremam aetatem ageret. Sed tum ab intimis colloquiis, quae nobis eo tempore licuit cum ipso conserrere, tum etiam ab universorum acclamatione, satis compertimus, hominem fuisse innocentia, religioneque singularem, animi candore columbam, mansuetudine laudabilem in paticis, christiana vero demissione dignum omnino, quem legat cum admiratione posteritas. Is fuit Petrus Cesatus, qui patriam habuit Xaltenangum, oppidum Novae Galleciae sub Guadalaxarensi Pontifice. Decimo tertio Kalendas Februarias, anno 1696. natus est Patre, cuius erat nobilissima in Mediolanensibus origo; Matre vero, cui par claritudo ab Hispanis ad illum orbem translatis. Et paternus quidem Cesati avus fuerat unus e Senatoribus Regiis, qui toti Novae Galleiae, quam longissime illa patet, Guadalaxarae jus dicunt. Cum pueritiam laudabiliter Petrus traduxisset, mature pertaesus rerum humana-

manarum, Societatis militiam secutus est, Tepoztlanensi tirocinio aggregatus quinto Novas Majas, anno saeculi currentis undecimo, aetatis decimo quinto vix completo. Tiro religionibus ferventissimus, consuetudine cum aequalibus admodum affabilis, et mirifice demissus, placitis Majorum obsequentissimus; post biennium transivit ad politiores litteras, atque inde ad graviores philosophiae, theologiaeque disciplinas, quarum emensus cum laude curricula, meruit inter primos coronari, Magistrorum judicio designatus, ut Theologiae, juris que Pontificii theses Angelopoli propugnans, diem totum ageret in palaestra litteraria.

Guatimalam, urbem Mexico distantem nongentis fere milliaribus, ut grammaticam pri-
mum, deinde philosophiam traderet, jussus contendere; tametsi jam tentatus valetudine, potens tamen animi viribus iter arripuit, et summa cum accuratione quinquennium in eo munere collocavit. Appellatus postmodum Theologiae Doctor in Angelopolitanis, magnam vi-
tae partem ibi posuit, omnibus probatus, et laudatus, uni sibi despectus, et flocci habitus.
Quae sane opinio de semet incredibiliter vilis innumeratas fluctuationes in ejus animo commo-
vebat: nam ineptum, et rudem, et hominum imperitissimum cum ex animo se crederet; in perpetuis erat secum ipse confligendi conatibus; et honores Magisterii reformidabat; et ad laudes, quae illud consequebantur, velut ad con-
vicium exhorrescebat; et penitus mirabatur,

tatiquam ad monstri speciem, quod hominem nullo numero habendum, qualem se putabat, in hoc honorum curriculo Magistratus Provinciae collocassent; ac fortasse, ut ajebat, cum Societatis dedecore, tot annos retinuissent: a quo quidem dedecore nihil erat alienum magis; cum tot annos ipse inter praecipuos et doctis hominibus Angelopoli esset, atque a prodente se se christianaे virtutis odore, veneratiōnē semper cunctis fuissest demississimus, et prudentissimus vir. Sed cum Cesatus esset ex illis bonis mentibus, quae ibi (quod Gregorius laudat) culpam agnoscent, ubi culpa non est; praeter vilem suimet opinionem, intestinus etiam anxiarum cogitationum aestus cruciabat, exagitabatque perpetuo metuentem Deo displicere: atque inde quidquid ageret, impeditissimis dubitationum ambagibus torque ri cernebatur, num id agere posset? num culpa vacaret? Jusjurandum vero, quod emittere Magistri tenebantur, de doctrina Sociorum, qui postremum in re philosophica, theologicaque periculum subibant; mirum erat, quantum anxietatis, et negotii Cesato afferret: nam aut verebatur, animo se non satis intento adfuisse propugnationi thesium; aut penitus negabat, tantum sibi esse doctrinae, ut judicium pronuntiaret. Quam quidem horarum omnium dimicationem, ab immodico timore natam, in suis omnibus factis, et verbis, et cogitatis, Deo displicendi, toto vitae cursu perpetuavit, et in sepulchrum intulit. Nullum certe gravius bel.

bellum amanti Deum, quam ejusmodi non interrupiae ad summos canos anxietates, et ab his animus nullo unquam oblectamento delibus!

Interea Cesatus Angelopoli praeter Magisterii vigilias, oratorium etiam munus, faciliter et neque inventusta, neque debili eloquentia et domi, et foris exercebat: et qui tot secum ipse anxietatibus cruciabatur, ab aliis erat quae situs consilii causa, quibus miti, ac prudenti sapientia solatum porrigebat: nec deerant, quos in sacris confessionibus frequenter expiaret. Quibus ad plures annos exactis occupationibus, designatus Mexici Praefectus Marianaë Sodalitatis, quam a Dolente Virgine vocabant, paucos menses in eo munere posuit; cui muneri ut satisfaceret, tametsi doctrina, et virtutibus excellebat, pares tamen immenso labore vires non habebat. Eloquentia quidem in dicendo praestabat, eaque vere oratoria, nervosa, crebrisque conspersa sententiarum luminibus, quas ab assidua Doctorum Ecclesiae lectione derivarat. Sed cum esset ejusmodi Praefecti, pagos aliquot Mexicanæ ditionis bis in anno sacris expeditionibus illustrare; quod onus gravissimum robustam oppido valetudinem exigebat; brevi Cesatum ab eo loco Majores removerunt, eisque Sociorum institutionem, qui tertiae in re pie-tatis probationi dabant operam Angelopoli, commiserunt. Hujus administrationis, quae tanti erat in Societate momenti, partes omnes attigit toto decennio: cum Sociis enim, quos instituerat,

(298)

bat, erat eximiae charitatis, et summae mansuetudinis; quin ab iis, qui fortasse peccarent, corrigendis desiceret. Nemo fuit toto illo tempore, qui vel acerbam verborum severitatem, vel vultum superciliosum, vel infestum animum ulla significatione sibi a Cesato demonstratum conquereretur; nemo, qui temperantiam ejus non suspiceret, atque apertissime praedicaret. Intelleximus a viro quodam nobis familiarissimo, interdum se, cum levissime objurgaretur a Cesato, data opera vultum induisse gravorem, quam solebat; quod cum animadverteret Cesatus, nihil non tentabat tum faceto quodam sale, tum blandissimis urbanitatis verbis, ut fluctum moerorem ab objurgato removeret. Fuit alter, morosus quidem homo, et diffici natura, qui convicia in Cesatum evomere coram testibus ausus est: Cesatus autem non modo, cum furentem inaudiret, mirifice temperans obtutuit; verum et postea quemdam ex iis, qui adfuerant, serio consuluit, num ei videretur oportere, ut ipse, qui sponte lacesitus fuerat, injuriamque solo silentio vindicaverat, veniam ab lacescente postularet?

In his autem aetatis annum agebat secundum, et septuagesimum, cum, pulsis Mexico Sociis, longissimae navigationi se commisit. Ab senectutis incommodis, et ab inclinata valitudine credebatur Cesatus resistere diu non posse maris jactationibus, quibus nunquam assueverat. Sed praestantia virtutis hominem supra naturae vires extollere videtur! Alacris, et se-

(299)

et serenus in paucis navim ille concendit, nec ab hac serenitate, atque animi vigore, toto navigationis tempore defecit; ut ut iter nactus fuerit molestum, periculosum, atque in primis difficile, tum ab incredibili diuturnitate, tum ab assiduis procellis, tum vero a fulmine, quod malum in duas partes horrendo fragore disrupt, vectores, et nautas exterruit, atque in praesentissimo naufragii periculo constituit. A Corsis in Italiae continentem transductus fuit Cesatus cum Sociis aliquot levi cymbula; quae procelloso vento, et fluctibus immane jactata, divertit a propinquis Januensium littoribus, et Centumcellas attigit. Josephus Castillus, qui Socios in ea cymba navigantes regebat Superior, illuc litteras Romam immisit ad summum Societatis Magistratum; cui cum nuntiaret, tempestate agitatos in eum portum devenisse, ac praeterea describeret Cesati devexam aetatem, et fractam valetudinem; enixe flagitabat, ut licet Sociis omnibus in eum locum appulsis, itinere terrestri contendere ad eam Italiae partem, quae Mexicanis destinabatur. Cum autem placuisse Majoribus, uni Cesato, et Socio valetudinis ejus administro, id permittere; Cesatus illico Romam immigravit. Dies aliquot ibi commoratus est, benevolentiae significacionibus ab supremo Sociorum Antistite cumulatus; qui sane Antistes venerandi senis demissionem, mansuetudinem, et castigatissimos mores laudavit, praedicavit, suspexit. Inde vero Bononiam cum deferretur Cesatus, vitam ad-

mo-

modum inculpatam, et caelesti genio prorsus dignam instituit: nam domo fere nunquam, raro autem e cubiculo pedem efferens; diu, noctuque totus erat in Divinis meditationibus. Venientes ad se Socios, hilari semper vultu, suavissimisque verbis excipiebat; sed illum certe non convenires, nisi paratus esses ad sermonem de caelestibus, aut alia re pietatis agitandum. Ita partim Bononiae, partim ad Castrum Divi Petri, totum decennium, et paucos menses in summa innocentia, perpetuisque cum Deo colloquiis transegit. Postremis vero mensibus lecto semper affixus, mirabile fuit exemplar christiana fortitudinis: nam praeter tranquillam pietatem, qua imminentem sibi mortem aspiciebat, ac de ipsa, tanquam de peregrinatione in mortalibus, loquebatur; etiam a positura corporis, nunquam fere non eodem latere jacentis, immensos cruciatus, et perpetuam eo latere plagam, omnino silens, heroe digna tolerantia sustinuit. Quinto demum Kalendas Martias, anno 1780, aetatis ejus currente quinto supra octogesimum, sacris lustratus omnibus, quasi dulcissimo somno correptus, animam emisit in Divi Petri Castro. Parentatum illi fuit in templo coenobitarum Divi Francisci, turmatim eo die confluentibus oppidanis, ut virum venerarentur, quem, dum vixerat, semper in cubiculo latentem, nisi ab inolescente sanctitatis opinione, fere non noverant.

Temperantissima demissio Cesato fuit semper in amoribus; et haec virtus linea debet

esse

esse potissima in ejus imagine, quoties virum hunc animo velis tibi fingere. Vilem quidem, imo pessimam de se in rebus omnibus opinionem disseminari, et nihil ab universis hominibus haberi, non solum gaudebat ille, verum et totis conatibus procurabat. Postremis praesertim vitae annis, accedentem ad se quemlibet rogabat infimis precibus, ut se miserum, inutilem, et nefarium peccatorem Deo commendaret: ac sane se talem esse, tanta efficacia persuadere conabatur, ut, hominem ex animo loqui, nemo fuerit unus, qui dubitaverit. Religionem in Numen Eucharisticum a puero coluit, et toto vitae cursu perpetuavit; et cum adoratus hoc Numen, in templo genuflectebat, totus in rem pietatis videbatur intentus, ad omnigenam modestiam compositus, et prae summa reverentia non alio, nisi ad aram, oculos audebat attollere. Mariam Virginem, et Matrem ejus Divam Annam praecipuo post Numen amore prosequebatur, ad easque assiduus velut ad certum in humanis casibus asylum configiebat. Blandus cum omnibus in familiari consuetudine, nec unquam temere propendens, ut male de aliis judicaret; solum suum censor erat acerrimus, et severissimus Aristarchus. In Societatis legibus observandis mire fuit, et constantissimae perfectionis; et tantum momenti judicabat, ab Sociis omnibus hascoli, et custodiri, ut, cum animadvertissemus esset in eos, qui peccare adversus ipsas obstinarant, paululum durioris esset consilii. Majores

res

(302)

res observabat , quanta mortalem mortalis pos-
test reverentia ; nec ut iis confestim obediret ,
imperati rationem exquirebat ; nec unquam ab
ipsorum nutu non peperdit . Cum primum in-
tuitus est Supremum Societatis Praepositum , e
vestigio se se ad ejus pedes venerabundus pro-
jicit , tanquam vidisset Lojolam familiae con-
ditorem ; ac fere contremiscere visus est , velut
Tobias ad caelestem Angelum sibi manifesta-
tum ; nec nisi aegre , atque iteratis conatibus
obtinuit Magistratus ille , ut senex peregrinus
exurgeret , assidensque colloqueretur . Ita mo-
tus animi compescuit , ac fraenavit , ut pari
semper esset vultu , vel adversa , vel secunda
contingenter ; nec aut morosus , aut iracundus
unquam visus est . Carnem perpetua valetudine
maceratam , castigavit etiam nihil palato indul-
gens , et cibi parcitatem ad inediae fines pro-
vexit : ejus enim quotidianum alimentum uncias
duodecim fere non aequabat . Poma inprimis
eum delectabant ; sed ab iis abstinuisse longo
tempore , familiaris quidam animadvertisit ; eoque
vita functo , compertum est in ejus scripto ,
id obsequium Superis obtulisse . Satis haec sint ,
ne pereat omnino tanti viri memoria ; caetero-
quin plures ejus virtutes hausit ipsius rara mo-
destia ; cuius industria nihil fere non commune
cum caeteris , in externis Cesati factis eluxit .

EMMA.

(303)

EMMANUEL ARCE.

NEminem certe vidimus , qui misericordi
charitate in homines excelluerit , nec
uberrimos ab ea fructus aliquando col-
legerit : haec enim est ea virtus Deo
charissima , quam incomitata , et solam pro-
gredi , virtutes aliae non patiuntur . Cujus rei
luculentum testimonium habemus Emmanuelem
Arcem , quem eximia charitas in sui similes ad
plurium virtutum eminentiam extulit , et ad pre-
tiosam , uti speramus , in conspectu Domini
mortem , et ad miram in ea terrorum hora se-
renitatem deduxit . Thermopoli , oppido Novae
Galleciae , quas vulgo appellari Aquas Calidas ,
alibi demonstravimus , generosis Parentibus na-
tus est Nonis Aprilis , anno 1725 ; aetatis au-
tem undevicesimo fere completo , Societatem
ardenter optavit , et Nonis Martii , anno sae-
culi vertentis quarto et quadragesimo , voti com-
pos factus est . Tirocinii biennium , et studio-
rum curricula confecit , utrobique laudatus ab
ingenio , et pietate ; tametsi a quodam subru-
stico loquendi , et in omnibus agendi genere ,
virtutum suarum venustatem non admodum ex-
plicaret . Ad sacros ordines vocatus , continuo
miros exeruit conatus ad animos juvandos in
sacro poenitentiae subsellio ; qui sane fuerunt
sudores ipsi gratissimi , et nunquam intermissi ,
quo